



SAKSPAPIR

Saksnr	Utval	Type	Dato
85/2020	Formannskap/plan- og økonomiutvalet	PS	01.12.2020

Sakshandsamar	Arkiv	ArkivsakID
Tore Henrik Øye	FE-242, FA-V31	20/1590

TILDELING AV TILSKOTT FRÅ SKOLEDIREKTØR JOHANNES NORVIK OG KONA ERNA NORVIK'S FOND TIL NYDYR KING I VAKSDAL KOMMUNE (NORVIKFONDET) FOR 2020

Vedlegg:

Søknad om tilskott frå Norvikfondet til nydyrking av Utlebøen, gbnr, 58/4 Lavik, Eksingsingedalen, Vaksdal kommune

Kostnader Lavik

Søknad om tilskot frå Norvikfondet til nydyrking i Yksendalen, gbnr. 61/1 og 2, ferdigstilt i 2020

Møtereferat frå fondsstyret for Skoledirektør Johannes Norvik og kona Erna Norvik's fond til nydyrking i Vaksdal kommune (Norvikfondet), 17.11.20

Vedtekter Norvikfondet revidert 2017

Rådmannen sitt framlegg til vedtak:

Som representantskap for «Norvikfondet», vedtek formannskapet i Vaksdal kommune følgjande tildeling av fondsmidlar for 2020, etter framlegg frå fondsstyret:

- Føretaket Kari Brørvik får tildelt kr. 39 000,- i tilskott til gjennomført nydyrking av 13 daa på «Nore bøen», gnr. 61, bnr. 1 og 2 Yksendalen i Eksingedalen.
- Føretaket Gaute Øvstedal får tildelt kr. 150 000,- i tilskott til gjennomført nydyrking av 50 daa på «Utlebøen», gnr. 58, bnr. 4 Lavik i Eksingedalen (leigd areal).

Vedtaket er gjort med heimel i fondsvedtektene § 5, jf. §2.

Formannskap/plan- og økonomiutvalet - Sak 85/2020

FPØ - Behandling:

Ordførar Hege Eide Vik stilte spørsmål ved sin habilitet i saka, då ho er leiar i fondsstyret.

Formannskapet vedtok samrøystes at Hege Eide Vik er ugild i medhald av fv.l. § 6 e) punkt 1. Ugild når vedkomande er leiar i styret.

Ivar Bergo, SP, deltok som vara for Hege Eide Vik, Sp i denne saka og varaordførar trådte inn som

møteleiar.

Rådmannen sitt framlegg til vedtak vart samrøystes vedteke.

FPØ - Tilråding/Vedtak:

Som representantskap for «Norvikfondet», vedtek formannskapet i Vaksdal kommune følgjande tildeling av fondsmidlar for 2020, etter framlegg frå fondsstyret:

- Føretaket Kari Brørvik får tildelt kr. 39 000,- i tilskott til gjennomført nydyrking av 13 daa på «Nore bøen», gnr. 61, bnr. 1 og 2 Yksendalen i Eksingedalen.
- Føretaket Gaute Øvstedal får tildelt kr. 150 000,- i tilskott til gjennomført nydyrking av 50 daa på «Utlebøen», gnr. 58, bnr. 4 Lavik i Eksingedalen (leigd areal).

Vedtaket er gjort med heimel i fondsvedtektene § 5, jf. §2.

Saksopplysningar:

Samandrag/konklusjon (kort om saka)

Stiftinga «Norvikfondet» har til føremål å gje tilskott til nydyrking av utmark som kan leggjast under kultur i Vaksdal. Fondsstyret fastset årleg ramme til fordeling ut frå innkomne søknadar. Formannskapet tek endeleg stilling til fordeling av ramma.

I følgje vedtektene skal grunnkapitalen vere kr. 900 000,- (urørleg). Fondssaldoen per 31.12.19, er kr. 1 181 000,-. Differansen er frie fondsmidlar.

I 2020 har føretaka Kari Brørvik og Gaute Øvstedal søkt om tilskott til dyrking av høvesvis 13 daa på gnr. 61, bnr. 1 og 2 Yksendalen og 50 daa på gnr. 58, bnr.4 Lavik.

Fondsstyret heldt styremøte den 17.11.20. Med bakgrunn i søknadane, tilgjengeleg fondskapital og kr. 3000,- i tilskott per daa, set styret av kr. 189 000,- til fordeling. Formannskapet fattar endeleg avgjerd om bruk av midlane.

Bakgrunn for saka

Stiftinga Skoledirektør Jonannes Norvik og kona Erna Norvik`s fond til nydyrking i Vaksdal kommune, omtalt som «Norvikfondet», har som føremål å gje tilskott til nydyrking av utmark som kan leggjast under kultur, jf. gjevarane sitt testament av 06.06.80

Fondsstyret, med ordførar som leiar, skal leggje fram årsrekneskap og fastsetje den summen som kvart år skal nyttast til å fremje fondet sitt føremål, jf. § 4 i vedtektene.

Medlemane i formannskapet i Vaksdal kommune, med unnatak av ordførar, utgjer representantskapet for fondet, som gjer endeleg vedtak om korleis midlane skal nyttast, innanfor ramma som

fondsstyret har sett, jf. § 5 i vedtektene.

SØKNADAR I 2020

Føretaka Kari Brørvik og Gaute Øvstedal søker om tilskott for nydyrking av høvesvis 13 daa i Yksendalen (gnr. 61, bnr. 1 og 2) og 50 daa på Lavik (gnr. 58, bnr. 4) i Eksingedalen.

Vaksdal kommune har gjeve søkjarane løyve til nydyrking, høvesvis i vedtak av 16/1319 og 20/607.

Søknadane viser følgjande kostnader med dyrkinga:

Føretak	Gbnr.	Teig	Dyrka areal	Total kostnad	Kostnad/daa
Kari Brørvik	61/1 og 2	«Nore Bøen»	13 daa	kr. 370 700,-	kr. 28 461,-
Gaute Øvstedal	58/4	Utlebøen	50 daa	kr. 709 500,-	kr. 14 190,-

Verdisetting av eigeninnsats inngår i oppgjevne kostnader. Nærare kostnadsspesifisering går fram av søknadane.

Stiftinga sine vedtekter § 3 seier at grunnkapitalen (det minste fondsbeløpet til kvar tid) skal vere på kr. 900 000,-. Årsrekneskapen for 2019 viser at saldoen ved årsskiftet var kr. 1 181 000,-. Dette gjev kr. 281 000 i frie fondsmidlar (rentemidlar for 2020 er ikkje tekne med).

Formelt grunnlag

- Reviderte vedtekter av 02.10.17 for Skoledirektør Johannes Norvik og kona Erna Norvik's fond for nydyrking i Vaksdal kommune.

Vurdering og konsekvensar

Dyrkinga det er søkt om tilskott for, er gjort etter løyve frå kommunen. Begge føretaka har rapportert tiltaka, og sakshandsamar er kjend med at dyrkinga er gjennomført.

Med bakgrunn i kommunale løyve, dokumentasjon på gjennomført dyrking og fondsvedtektene, er det grunnlag for å gje tilskott til søkjarane.

Tilskottssatsen frå «Norvikfondet» har sidan 2008, og også truleg før dette, i hovudsak vore kr. 3000,-/daa for dyrka areal.

Med utgangspunkt i pris- og kostnadsauke vurderte fondsstyret å heve tilskottssatsen til kr. 3500,-/daa, men går inn for å halde den på kr. 3000,-. Dette først og fremst ut frå omsynet til komande års fondsforvaltning, og høvet for å støtte opp om framtidige søknadar. Det er avgrensa med tilgjengelege midlar i fondet. Ei heving vil føre oss raskare ned mot grunnkapitalen, og gje mindre handlingsrom ovanfor nye søkjarar. I dette høve er det gjeve signal om nydyrking dei næraste åra, og fondsstyret ser det difor som mindre tenleg å auke satsen når vi nærmar oss bunden kapital. Nærare grunngjeving går fram av fondsstyret sitt møtereferatet, jf. vedlegg.

Med utgangspunkt i argumentasjonen ovanfor, set fondsstyret av inntil kr. 189 000,- i tilskott for 2020, med følgjande fordeling:

- Kr. 39 000,- i tilskott til føretaket Kari Brørvik for dyrking av 13 daa på «Nore bøen», gnr. 61, bnr. 1 og 2, i Yksendalen (kr. 3000,-/daa).
- Kr. 150 000,- i tilskott til føretaket Gaute Øvstedal for dyrking av 50 daa på «Utlebøen», gnr 58, bnr. 4 Lavik (kr. 3000,-/daa).

Ut frå saldoen per 31.12.19, vil tildelinga gje kr. 92 000,- i tilgjengelege midlar for komande år.